



## **Universitätsbibliothek Paderborn**

### **De Phiala Reliqviarvm S. Agathae Virginis Et Martyris Dissertatio**

**Wiltheim, Alexandre**

**Augustae Trevirorum, 1656**

Capvt III. In phiala nostra puluis ossium S. Agathae Catanensis illius, & frusta ampullae vitreae, incrustata ejusdem sanguine. Hunc quam copiose ipsa fuderit. Fusum, de more collectum à Christianis. ...

**urn:nbn:de:hbz:466:1-10156**

## S. AGATHÆ DISSERTATIO.

5

cum refoderetur, inuentæ sunt innumerabiles arcæ lapideæ cum titulis, Constantini Magni æuum proximaque tempora clarè indicantibus. Et fuisse ibi olim cœmeterium Christianorum, pro certo atque indubitato tum ex titulorum formulis, tum ex columbis & Christi nomine insculptis, apparebat. Reperta autem per arcas plurima ex argilla vitroque vascula, quorum effigies aliquæ ad nos peruererunt.

In ollulâ fictili, odoratus liquor inerat; mixto nempe lacrymis balsamo, aut quo alio grati odoris vnguento. Sed quam maximæ admirationis erat sarcophagus vñus, phialis eiusmodi vitreis circâ per cauum dispositis instru-ctissimus, supererantque litteræ ex longiori epigrammate tales:

### QVI. CORPORE. MVLTAS

### POST. SE. RELLIVIT. LACRYMAS.

Verum his de rebus alio loco à nobis scriptum abunde. Hic satis est, lacrymatoriarum phialarum reddidisse imagines, vt ex formâ earum, & nostræ lenticulae, sciatur, hanc ex phialarum illarum funebrium genere fuisse, vel certè ad funebrem quidem vñsum primò præcipue factam, sed postea, vt omnium rerum hominibus liberum arbitrium est, adhibitam alteri quoque rei, de quâ sequens erit caput. Vnde iam lenticula intelligitur antiquitas atq; auctoritas.

Aringhus in opere illo suo admirabili de Româ subterraneâ, libro III. capite XXII. censem eiusmodi phalias, qualis nostra, in cœmeterijs Romanis & cryptis inueniri solitas, non fuisse conflatas seruandis lacrymis, sed aquâ benedictâ, alijsque liquoribus ad Sacraenta pertinentibus. Quod et si daremus (nec absconum est dari) hinc tamen etiam vasculi nostri argui posset antiquitas.

### CAPVT III.

In phiala nostrâ puluis ossium S. Agathæ Catanensis illius, & frusta ampulla vitrea, incrustata eiusdem sanguine. Hunc quam copiose ipsæ fuderit. Fusum, de more collectum à Christianis. Horum in S. Agatham certantem fauor, & funebria post mortem obsequia.

**D**VDVM in phialæ consideratione detinemur. Tandem, quid insit, explicandum. Insunt ergo reliquiæ S. Agathæ Virginis; idque omni dubitationi eximit titulus phialæ, quitalis est: ~~S. Agathæ Virginis~~ Est autem Agatha illa Catanensis, toto orbe celeberrima. Nam quis est, qui, simulatque hunc titulum legerit, non continuo voluat animo eam S. Agatham;

B

cu-

## DE PHIALA RELIQVIARVM

cuius vbique fama percrebuit, quæ est Catanensis? Et vero fasti omnes sanctorum, omnes ephemerides sacræ, martyrologia & kalendaria omnia, aut quomodocunque ea appellare fas est, vnicam S. Agatham Catanensem, nec villam aliam, edunt; vt iam nihil causæ sit, quin eius sint istæ reliquiæ nostræ.

Doctissimus tamen Ioannes Bollandus noster, qui cum eruditissimo Sodalij suo Godefrido Henschenio, res gestas sanctorum toto orbe incredibili diligentia post Heribertum Rosweidum multis iam annis scrutatur, consultus à me, tres præterea Agathas, à Catanensi diuersas, attulit; vnam, vt opinatur, in Carinthiâ, nec virginem, nec martyrem: alteram in Angliâ degentem, virginem quidem, sed non martyrem: tertiam denique ex sodalito S. Vrsulæ, virginem & martyrem. Verum has omnes Agathas nihil omnino ad titulum nostrum aut pertinere, aut pertinere posse, sic demonstro. Primum enim Carinthiam illam, nec virginem, nec martyrem, respuit omnino idem noster titulus, qui vocabulum *virginis* inscriptum habet. Eandem etiam Carinthiam, & simul Anglam alteram, quoniam martyres non sunt, reiicit sanguis accretus fragmentis vitreis in lenticulâ nostrâ comprehensis, de quâ re mox; siquidem sanguis iste ostendit, S. Agatham, quam præfert lenticulæ titulus, profudisse illum ipsum sanguinem in martyrio, quod Carinthia & Angla neutiquam feceré. Reliqua est tertia S. Agatha, quam libellus nescio quis vaticiniorum, cho-ro virginum D. Vrsulæ inseruit. Verum, qui libellum istum, quem nonnulli B. Hermanno Steinfeldensi attribuunt, perlegerit, facile animaduertet, esse eius auctoritatem, vt mollissime loquar, valde dubiam. Certè, qui illum ipsum libellum in præclaros suos de D. Vrsulâ commentarios retulit Hermannus Crombachius, noluit historiam D. Vrsulæ his vaticinijs, tanquam fundamento, nisi, sed velut quibusdam *emblemais*, vt verbum eius usurpem, *vermiculari*. Nec dubium est, quin vaticiniorum S. Elizabethæ Schonauziensis longe maior sit, quam libelli illius, fides. Et tamen grauissimum verissimumque est iudicium Christophori Broweri, V. annalium Treuirensium, Elizabetham de rebus D. Vrsulæ, quædam quidem diuino afflatu, nonnulla vero suopte impulsu scripsisse. Si itaque tantæ virginis non est vbique de Coloniensibus martyribus S. Vrsulæ Sodalibus certa fides, quid vaticinijs illis facias? Agathâ ergo, quam libellus iste prædicat, non admissâ, superioribus duabus reiectis, in vnicâ Catanensi disputatio conquiescit, cui sacra lipsana phialæ nostræ asserenda sunt.

Atque hæc omnia tametsi ita argumentari non potuissemus, titulus tamen phialæ nostræ ipse per se satis sc̄e explicaret, vt supra dici cœptum. Quot enim,



nim, quam innumerabiles SS. virginum reliquiæ vbique gentium coluntur sub his similibusque titulis: *S. Barbaræ*, *S. Catharinæ*, *S. Luciæ*, & sexcenta huiusmodi, quæ *avrovouaormw̄* de S. Barbarâ Nicomedensi, S. Catharinâ Alexandrinâ, S. Luciâ Siracusanâ vulgo ab omnibus accipi, æque indubitatum est, quam certum esse volumus, in litanis obsecrationibusque publicis, dum virginum illarum solajnomina appellamus, patrias quoque earum aut loca supplicij perinde intelligi oportere. Hæc si recte ita sunt, quid est, cur titulo phialæ nostræ, cuius ab antiquo publicus fuit cultus, hæc eadem denegetur auctoritas, vt ei inscripta S. Agatha non alia sit, quam *κατ' εξοχὴν* illa Catanensis? Quod multo maximè valet, si tempora tituli reputaverimus. Scriptus enim est, vt infra exponam, à multis retro seculis; tunc nimirum, cum alia S. Agatha nulla in mortalium notitiam venisset, quam Catanensis: cum nondum inenarrabilis illa Bollandi & Henschenij diligentia omnes bibliothecarum angulos & sacrorum scriniorum latebras toto orbe terrarum excussisset, vnde obscuræ illæ Agathæ in lucem nunc demum venerunt. Quæ causa est, cur Bollandus ipse, pro iudicio suo singulari, reliquias phialæ nostræ fatetur esse S. Agathæ Catanensis, datis ad me eā de re litteris; quibus & nuntiat, se harum mentionem in appendice tomī I. Februarij ad Nonas facturum. Nunc phialæ lipsana explicemus. Sunt autem ea lipsana, puluis albus ex rubicundo nonnihil lucidi habens palloris: item vitrea frustula octodecim, quorum dena depingi curauimus. Vitri fragmina pleraque tenui crustulâ in concauo latere vestiuntur, eaque subrufâ, sed quæ per vitrum in conuexo latere crustula tralucet, nonnihil flauescente. Erant eæ crustulæ, cum primum lenticulam aperui & inspexi, crassiores: sed allisu (quæ mea est irreparabilis culpa) detritæ aliquantum sunt, quò factum est, vt puluis, sicut dixi, nunc tantillum rubescat, cum antea esset purissimi candoris.

Hunc autem puluerem esse ex ossibus S. Agathæ, credere oportet. Nam cū dubius hærem, an terram seu arenam, an aliud quid esse dicarem, feci experimentum, & in vitro æque mundo, ac leui & terso, puluisculi pauxillum ferro obtuso & polito triui, nec stridorem vel minimum, admotâ licet attentissime auriculâ, edebat, vt terra vel arena solet, sed mollissime cedebat, & planè fricabatur, quod ossibus cariosis & putribus contingit. Deinde, quamuis tenuem statum aut halitum adhiberem, mouebatur tamen magnopere sacer ille puluis, certò arguento, osseæ potius leuitatis, quam terreæ grauitatis. Denique sanctus iste puluis, aëre, vt credibile est, humido circumambiente lenticulam, duas aut tres quondam effecerat massulas, quod in osso puluere, quam



## DE PHIALA RELIQVIARVM

in arenâ aut terrâ, fieri longe promptius est. Potuisset quidem ex adusti pulueris nidore certum ferri iudicium, si ex sacris illis reliquijs vel minimum quid igne absumi suisset religio. Superiora porro experimenta non obstat vi- dentur, quo minus idem ille puluis sit sanctæ virginis caro in cinerem redacta; nisi eiusdem pulueris candor ossa potius, quam carnem referre videretur.

Iam crustulæ subrufæ, haud dubie sunt sanguis fortissimæ virginis concre-  
tus, quem olim Christiani collegerant, & per religionem in phialâ vitreâ ser-  
uauerant, cuius phialæ partes sunt fragmenta illa octodecim. Constat autem  
S. Agatham sanguinem haud semel in glorioso suo certamine fuisse, primū  
in equuleo, deinde in mammillæ sectione, tandem in testulis substratis; idque  
acta eius testantur, tum ea, quæ Metaphrastes edidit, tum antiquiora illa, quo-  
rum verba in libros nostrorum rituum tralata legimus, exstantque in veteri  
codice cœnobij D. Maximini apud Treuiros, quæ D. Agatham cum Aposto-  
lo medicinam cælestem offerente ita locutam tradunt: *Ego vero licet puella  
sim, ita totum corpus meum laceratum est, ut vulnera ipsa non finant aliquid sti-  
mulari in mente mea.* Hæc porro dixit egregia martyr priusquam in testis vo-  
luntaretur, ut certum sit, eam tunc, cum in equuleo torta est, vulneribus illis  
affectam, ijsque tam multis, ut totum corpus lacerum ijs esset; præterquam quod  
væra ei tum quoque desecta. Vnde vero tot corpori virgineo inficta sint  
vulnera, planum est, primo ex consuetudine equulei, in quem extensi marty-  
res, vngulis plerumque aut laminis carentibus excruciantur, ut Gallonius  
in libro de SS. Martyrum cruciatibus, capite III. docet. Fazellus adhæc, gra-  
uiss scriptor rerum Sicularum, I. decadis libro III. capite I. Diuam Agatham  
tradit ante mammillarum supplicium passam esse fidiculas, quas Baronius  
NN. ad martyrologium Romanum vngulas fuisse demonstrat. Laminis quo-  
que ardentibus tortam, scriptum in breuiarijs nostris. Acta denique D. Aga-  
thæ à Metaphraste edita, verberatam in equuleo tradunt. Vnde habes multi-  
plicem tot vulnerum causam, atque etiam intelligis sanguinem à S. virgine  
largiter & abunde profusum. At nunc eundem à Christianis collectum, age,  
ostendamus.

Atque id quidem generatim demonstrat mos Christianorum veterum,  
quo martyrum sanguinem diligentissime colligebant. Insignis est eâ de re lo-  
cus Pontij diaconi in aëcis D. Cypriani Carthaginensis episcopi & martyris  
magistri eius, qui septennio post S. Agatham Catanæ in Siciliâ triumphantem,  
in Africâ Carthagine propter Christianam religionem comprehensus, du-  
ctusque ad prætorium, cum post iter longum nimio sudore madidatus sedere  
*(sed)*

(sedile autem erat fortuito linteo tectum, ut & sub iectu passionis episcopatus hono-  
refrueretur) quidam ex tessararijs, quondam Christianus, res suas obtulit, quasi  
vellet ille vestimentis suis humidis sicciora mutari, qui videlicet nihil aliud in rebus  
oblatis ambiebat, quans ut proficiscentis ad Deum martyris sudores iam sanguineos  
possideret. Acta deinde vetera, quæ Cæsar Baronius à notarijs condita censet,  
ita de S. Cypriano iam plectendo: Linteamina verò & manualia à fratribus an-  
te eum mittebantur. Quod alia acta explicatius: Fratres flentes linteamina & ma-  
nualia ante eum ponebant, ne sanctus cruor defluens absorberetur à terrâ. Tanti e-  
nim, subdit Baronius, faciebant fideles sacras reliquias martyrum, ut sudoris, si  
possent, guttas haurirent, & stillas sanguinis, etiam persecutore vidente & inuidente,  
atque exerto gladio minitante, qualibet arte susciperent atque recondenter. Huic  
porro diligentiae in seruando martyrum sanguine, debet ecclesia magnos ho-  
die thesauros, de quibus Aringhus tomo & libro I. Romæ subterraneæ, ca-  
pite XVI. Quis sane preciosissimi sanguinis liquor è venis quondam scaturiens, im-  
mortali aeternoque Deo in suavitatis odorem ob fidei confessionem oblatus, apud cele-  
berrimas Vrbis & orbis ecclesias ad hanc usque diem summa veneratione afferuatus,  
colitur.

Sed ad S. Agathæ cruentum stylum referamus & quo pacto collectum esse à  
Christianis omnino censendum sit, videamus. Quain re illud facile est, non  
fuisse opus arte aut industria ad eum suscipiendum, cum prona omnia essent  
volentibus id praestare obsequij, quod ex actis præclare intelligitur. Scriptum  
enim ibi, cum sanctâ martyre in testis & carbonibus ardentibus crudelissime  
volutata, terræ motus Catanae vniuersam concuteret, factam à populo con-  
cursationem ad secretarium Quintiani consularis Siciliæ, & cum tumultu cla-  
matum: quid sanctam Dei famulam nimis cruciatibus fatigaret? Quintianum  
autem, æquali penè metu inter terræ & ciuium motum hæsisse ancipitem, do-  
nec iussa in carceri reduci Agathâ, ipse per posterulam secretarij elapsus, in  
ianuis populum dereliquit, impetu nempè in secretarium pro suâ Agathâ fa-  
cientem. Ex quo consequitur, magnum fuisse in S. Agatham populi fauorem.  
Qui fauor deinde continuatus est in virginis funere. Postquam enim famâ vul-  
gauit, mortuam in carcere virginem, populi venerunt cum festinatione, & tule-  
runt corpus illius, & posuerunt illud in monimento nouo; anteā tamen aromatibus  
conditum. Ecce, quam omnia procluia ad collectionem sanguinis nostræ  
martyris? Neq; enim in multitudine ciuitatis tam sollicitæ pro martyre, Sanctâ  
Dei famulâ, deesse potuerunt, qui vel in loco perpessi supplicij, vel certè tum-  
ulum, cum sepeliendum sacrum cadaver aromatibus condiretur, sanguinem

## DE PHIALA RELIQVIARVM

linteaminibus, aut spongijs congregarent; quod reipsâ factum esse, & mos veterum Christianorum, de quo suprà differui, probat, & hic reliquus noster crux testatur, qui modo fragmentis vitreis ampullæ concretus adhæret.

Fragmenta porrò illa octodecim diligenter sane & cum magnâ accuratio-  
ne à me inspecta sunt. Et fuisse vasis rotundi, aut rotunlo proximi, ac minimè  
rectis lateribus, aut plani, indicio est singulorum fragmentorum circularis  
cauitas. Fuisse autem vas sat magni, arguit cauitatis apertior sinus; unde con-  
sequitur, fragmenta plurima desiderari; quæ si adessent, statui utique certiora  
de ampullæ totius magnitudine possent. Nunc, si coniçere licet, pugaum vi-  
rilem æquâsse videtur.

## C A P V T IV.

*Ampulla sanguinis martyrum per eorum sepulchra. Talis ampulla,  
cuius fragmenta insunt lenticula nostræ; & in eam sanguis D. Aga-  
thæ mox sub eius supplicium collectus; nisi frustra recurras ad mi-  
racula sanguinis martyrum ex concreto liquefcientis. Ampulla no-  
stra fragilitati consultum soliditate lenticulae.*

**H**Aec tenus de phialâ, cuiusmodi sit, quidque contineat, differuimus. Se-  
quitur nunc, vt ostendamus, in illam ipsam ampullam vitream, cuius  
fragmenta sunt in nostrâ lenticulâ, sanguinem D. Agathæ mox sub eius  
martyrium fuisse impositum. Cui rei auctoritatem adjungit, quod in talibus  
è vitro vasis per martyrium sepulchra sanguis eorum aliquando inueniri soleat.

Scribit Pintus noster, libro III. de Crucifixo, titulo IV. loco XII. Turribus  
in Sardinâ, se spectante, exhumata quamplurima SS. martyrum corpora, at-  
que in unius monumento repertam bonam concreti sanguinis partem, in vitrea  
sæpi crystallinâ ampulla sernati: in alio item, cum ossibus, concreti sanguinis am-  
phoram vitream. Bosius in suâ Româ subterraneâ (quam Aringhus in suâ  
quoque complexus est) libro III. capite XXXIII. quo loco de cœmeterijs viâ  
Appiâ & Ardeatinâ à se repertis scribit, depingit vascula vitrea & figlina, alia  
acuminata & oblonga, alia longa & obtusa, omnia uno orificio, in quibus  
sanguis D. Gerardi, D. Amalphij, aliorumque martyrum continebatur. Ex-  
stant in cœmeterio Priscillæ per tumbas martyrum parietibus passim insertæ  
phialæ vitreæ, sanguine martyrum concreto plenæ. Harum aliquæ in Belgium  
nostrum allatæ sunt; & infusâ experimenti causâ à nostris hominibus aquâ,  
liquo-